

Phi



59351

Mag. St. Dr.

*Buchowski Andr. Stanisl. Quaestio geometrica de  
quantitate planorum superficialium.*



IN NOMINE DOMINI, AMEN.

# QVÆSTIO GEOMETRICA,

DE

Quantitate Planarum Superficierum,

*Ex tribus prioribus libris Element: Eucl: & Polyb: lib: 9*

DESVMPTA:

59357

SUB FELICISSIMIS AUSPICIIS,  
*Magnifici, Perillustris & Reverendissimi Domini,*

D. M. SEBASTIANI  
PISKORSKI,

I. V. Doctoris & Professoris, Ecclesiarum,  
Cathedralis Cracoviensis, & Collegiatae Vielunensis,  
Canonici, SS. Omnium Cracoviensis Archidiaconi,  
Scholarum Novoduoroscianarum Provisoris, Studij  
Universitatis Cracoviensis Procancellarij, & Generalis  
RECTORIS.

M. ANDREA STANISLAO BUCHOWSKI,  
*Philosophiae Doctore, Collega Minore, Ordinario, Foundationis Strzals-  
koviana, Geometriae Professore, Contubernij Jageloniensi Seniore.*

Pro Loco in Collegio Majori obtinendo,

IN

Augusto DD. Theologorum Lectorio,

Publicè ad Disputandum



PROPOSITA.

M.

Anno MD. CXCIX. Die 6 April.

CRACOVIAE, TYPIS UNIVERSITATIS.

*Quantitas geometrica de quantitate planarum*

*Buchowski et Stanislaus*



# Q V Æ S T I O G E O M E T R I C A,

DE

## Quantitate Planarum Superficierum.

**V** Quantitas planarum Superficierum lineis terminata; homogeneâ mensurâ mensuranda; ex ambitu, seu circumferentia earum; an potius ex linea altitudinis, seu perpendiculari desumi debeat; nec ne?

### CONCLUSIO I.

Quantitas planarum Superficierum lineis terminatur.

#### COROLLARIA.

- I. Terminus, est Superficie, aut cuiuscunque magnitudinis extremum, nullam ipsius partem constituens, sed limites tantum ponens.
- II. Quemadmodum puncta lineam; ita lineæ Superficiem terminant; etiam si innumera lineæ, nec minimam partem Superficie constituant.
- III. Tres ad minimum rectæ lineæ, se mutuo tangentes, & non in directum posite, Superficiem constituunt: cuius figura, dicitur Triangulum planum; & hoc qualitercunque sumptum medium, est parallelogrammum.
- IV. Planam superficiem constituunt Triangula omnia, Quadrata, Rectilinea, Parallelogramma omnia, Circulus, Segmentum, Sector, Polygona & Trapezia.
- V. Omnes lineæ cuiuscunque Figure, etiam in area inaccessibili, sunt commensurabiles tam potentiâ; quam ex proportionem linearum & angulorum; etiam si constituerint Triangulum Cilogonium, cuius tres anguli interni, minores sunt duobus rectis.

### CONCLUSIO II.

Quantitas planarum Superficierum, homogeneâ mensurâ mensurari debet.

#### COROLLARIA.

- I. Quando magnitudo mensuratur, tunc ejus quantitas, adminiculo notioris quantitatis cognoscitur.

II.

II. Prima mensura desumpta est à corpore humano, nempe à pede, tanquam 6ta ejus parte: is hodie duplex est; Rhynlandicus, qui & Romanus antiquus; & Parisinus: uterque, in 12. pollices aequos; prout in 10. partes decimales, dividitur.

III. Linea, per lineam, scilicet: longitudo, latitudo, & altitudo, per pedes, passus, perticas lineares: Superficies, per superficiem quadratam; scilicet: pedes, passus, perticas quadratas: Cubus per cubum, scilicet: pedem, passum, perticam cubicam, mensuratur.

IV. Tam Regulares, quam irregulares figura, accessibiles, quam inaccessibiles, quarum latera potentiâ sunt commensurabilia, eadem superficie quadrata mensurari debent.

V. Etiam Superficies Sphæricæ, & mixtarum linearum, quadratâ Superficie sunt mensurandæ.

### CONCLUSIO III.

Quantitas planarum Superficierum, non est petenda ex earum ambitu seu circumferentia.

#### COROLLARIA.

- I. Fieri potest, ut ager in ambitu 162. perticarum; quartam partem contineat agri, habentis ambitum 160. perticarum: adeoque & Megapolis, cum ambitu suo fuisset 50 stadiorum; Lacædemon 58: Lacædemon tamen duplò, Megapoli major fuit, Polybio teste.
- II. Area duorum agrorum, ita produci possunt; ut unus ager, ambitum & latera, 2½, triplò, & quadruplò, longiora habeat, lateribus alterius agri; ipsa tamen area inter se sint æquales.
- III. Pari ratione area camporum possunt constitui; quarum singula latera, singulis lateribus sint æqualia, ipsæque figura sint Isoperimetra; area autem semper fiant minores.
- IV. Quando area inaccessibiles Insularum vel Urbium in Rectilineum aliquod transferuntur; tunc earum quantitas non ex ambitu; sed ex triangulis, quæ sunt ad circumferentiam figuræ accessibiles, in unam summam collectis, & à toto Rectilineo subtractis manifestantur.
- V. Area cuiuscunque figuræ, est illa capacitas, seu spatium intra latera ipsius comprehensa.

### CONCLUSIO IV.

Quantitas Superficierum, ex linea altitudinis seu perpendiculari desumi debet.

A 2

CO-



COROLLARIA.

- I. *Linea altitudinis seu perpendicularis est illa, qua super rectâ ita insistit, ut angulos rectos constituat.*
- II. *Quantitas Superficierum, in Quadratis, & Rectilineis, ex lateribus eorum cognosci potest.*
- III. *Quando in prædictis figuris, quantitas ex lateribus cognoscitur; tunc duæ lineæ angulum rectum constituentes, inter se invicem collatæ, ex ductu unius in aliam, quantitatem superficiei manifestant.*
- IV. *Si in Triangulis planis quibuscunq; inaccessibilibus, perpendicularis linea haberi non potest: tunc ex eorum lateribus quadratis, respectivè inter se collatis, & per radicem quadratam, cognoscitur per ea, quæ Propos: 47. 1. Elem: Eucl: docentur.*
- V. *Area Circuli, cum unâ peripheriâ contineatur; erit ferè equalis Rectangulo, Semidiametro & dimidiatâ circumferentiâ circuli, comprehenso: caterùm qui Circulum quadrârunt; eodem labore usi sunt, quo Lapis Philosophorum, lineæ Hyperbole in Vitro vstorio, Perpetuum lumen, aut Perpetuum mobile inventum putatur.*

Inaccessibili, incomprehensibili, Infinito,  
honor, virtus, & fortitudo,  
DEO nostro in secula seculorum.





